



CURSO 2020-2021

DEPARTAMENTO: FILOSOFÍA

MATERIA: *FILOSOFÍA*

CURSO: 1º BAC

CONTIDOS

Bloque 1: Contidos transversais

Bloque 2: O saber filosófico

Bloque 3: O coñecemento

Bloque 4: A realidade

Bloque 5: O ser humano dende a filosofía.

Bloque 6: A racionalidade práctica: ética, filosofía política, estética, lóxica.

Na páxina web do Centro no apartado correspondente ao Departamento de Filosofía aparece o detalle destes contidos tal e como se recolle no DOG nº 120 do luns 29 xuño de 2015 (páx. 25641 a 25662)

METODOLOXÍA DIDÁCTICA

As probas son o instrumento básico de cualificación, pero na avaliación final tamén o son o traballo ao longo do curso, as cualificacións das avaliacións anteriores e a asistencia a clase.

Por outra banda, o libro de texto é a fonte de información fundamental. O libro de texto é o manual de Filosofía 1º BAC de Miguel Angel Quintanar Martínez publicado polo consorcio editorial galego. Complementarase esa información coa doutras fontes proporcionada polo profesor ou obtida por conta dos alumnos; particularmente fundamentais son os apuntes "Breve historia da Filosofía" sobre os que versa a proba de avaliación inicial (e que están na páxina web dende setembro a disposición do alumnado)

Os textos susceptibles de comentario nas probas serán sempre textos que figuran no libro de texto. Algúns deles traballaranse previamente na aula. Os apuntes de historia serán básicos e esenciais para un bo comentario.

Na aula explicaranse os contidos básicos e os alumnos traballarán os estándares de aprendizaxe correspondentes.

Voluntariamente, farán un traballo trimestral na casa, sobre un autor, unha obra ou un tema do programa e que servirá para sumar ata 3 puntos sobre a cualificación do exame (sempre que o alumno teña acadado un 7 na media dos exames) ou ben será o instrumento fundamental de cualificación de repetirse a situación do pasado mes de marzo (en tal caso o traballo perde a condición de voluntario e tórnase obrigatorio).

ATENCIÓN Á DIVERSIDADE

As medidas de atención á diversidade virán condicionadas polas necesidades dos alumnos e establecidas polo Dpto de Orientación do Centro que dará as indicacións pertinentes ao profesor da materia para adoptar as medidas que conveñan en cada caso. Nas actas do Dpto fanse constar esas medidas, de ser o caso.

CRITERIOS DE CUALIFICACIÓN

AVALIACIÓN INICIAL

Son fundamentais para os exames de comentario de texto os apuntes "Breve historia da Filosofía" sobre os que versa a proba de avaliación inicial. A avaliación inicial realizarase na 2ª semana de curso. As datas publícanse na web. <http://www.edu.xunta.gal/centros/iessanxillao/node/408>

AVALIACIÓN CONTINUA

A avaliación é continua. Os alumnos teñen dúas probas escritas en cada trimestre nas que se comproba a consecución dos diferentes estándares de avaliación e particularmente os correspondentes ao bloque 1º de contidos transversais.

Deben asistir obrigatoriamente a elas para ser cualificados, deben asistir puntualmente (non máis aló dos 15 minutos do comezo), e se non é o caso deberán xustificar documentalmente a súa ausencia. Como norma xeral, se a xustificación se admite serán cualificados a partir do resultado daqueloutra proba á que teñan asistido; se non se admite aplicarase o criterio da ponderación que aparece abaixo.



As datas das probas son as publicadas na web. <http://www.edu.xunta.gal/centros/iessanxillao/node/408>
Os alumnos coñecen dende o mesmo comezo do curso estas datas, polo que non deberían ter motivos para non estar en condicións de realízalas, agás enfermidade grave ou imprevistos e/ou causas de forza maior.

Como norma xeral, as probas obedecerán á comprobación da consecución de diferentes estándares de avaliación mediante un comentario de texto, no caso da primeira das datas do trimestre e mediante o desenvolvemento dunha cuestión temática relativa a algún dos estándares de aprendizaxe e a un léxico específico ou pregunta breve relativa a algún dos estándares. Cada proba será cualificada sobre 10 e nela farase constar o criterio de cualificación.

En cada trimestre a cualificación se calcula establecendo unha porcentaxe do 50% para cada exame; o alumno que acade un 7 ou máis nesa media ponderada e que teña realizado o traballo voluntario do trimestre poderá sumar ata 3 puntos na cualificación. O alumno que non acade o 7 non ten esa posibilidade. Só no caso de que se suspenderan as clases coma no mes de marzo o traballo trimestral substitúe ás probas escritas como instrumento de cualificación e tórnase obrigatorio para todos os alumnos e para o trimestre que corresponda.

AVALIACIÓN FINAL

No remate do curso e atendendo á avaliación continua a cualificación ordinaria se calcula atribuíndo unha porcentaxe á cualificación de cada unha das avaliacións: 25% para a cualificación da primeira avaliación, 35% para a segunda e 40% para a terceira.

Terase en conta, igualmente, ao remate do curso, a actitude amosada ao longo do curso cara a materia ata un máximo dun punto.

Na cualificación ordinaria de xuño, terase en conta ata un máximo dun punto e medio sobre a cualificación resultado da ponderación das avaliacións, considerando a realización do traballo trimestral voluntario -ata 1 punto- e a realización das tarefas e actividades propostas ao longo do curso (no caderno do profesor quedará reflectido isto en sentido favorable ou desfavorable ("+" ou "-" son marcas que indican se se realizaron as tarefas encomendadas ou non, e tamén pode haber comentarios escritos sobre a voluntariedade, esforzo, etc...).

De producirse a suspensión das clases a cualificación do alumno será a correspondente á media aritmética dos exames realizados ata o momento da suspensión (incluída a proba de avaliación inicial).

CONVOCATORIA EXTRAORDINARIA

Na cualificación extraordinaria de setembro só se terá en conta a cualificación obtida polo alumno na proba, que obedecerá aos dous modelos de proba realizados no curso: un comentario de texto -50% da cualificación- unha cuestión temática para desenvolver relativa aos estándares de aprendizaxe -20%- e unha serie de conceptos filosóficos que o alumno deberá definir e relacionar con algunha/s das ramas da filosofía que se estudan na materia.

PUBLICIDADE E INFORMACIÓN

Toda a información relativa á materia está na páxina web do Centro.
<http://www.edu.xunta.gal/centros/iessanxillao/node/396>

En Lugo, a 24 de setembro de 2020

O/A profesor/a

Asdo: Ana I. Besteiro Hermida

NOTA: De producirse algún erro ou algunha modificación sobre o que aquí está escrito, a súa corrección será notificada ao alumnado na aula e publicada na páxina web no Centro no mesmo lugar en que aparece publicado este resumo.